



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelia Geographiae Veteris Et Novae

Parallelia Geographica Italiae Veteris Et Novae

Briet, Philippe

Parisiis, 1649

Nvm. 3. De Hernicis.

urn:nbn:de:hbz:466:1-13120

runt infra Volscos, vbi dicti sunt Aurunci; sic enim disertè Seruius ad 7. Aeneidos; *Aurunci Gracis Ausones nominantur: & apud Macrobius & Agellum pro Ausonibus appellantur Autunci.* Sed rem conficit Tzetzes ex Dione Cocceiano; *Ausonia propria Auruncorum vocatur terra inter Campanos, & Volscos ad mare sita.* Porro de nomine Auruncorum antiqui prorsus tacent.

FINES AVRUNCORVM sunt, ab Oriente Mons Massicus supra Suesam Auruncam; à Septentrione & Occidente hinc linea deueniens ad Terracinam; à Meridie pars Inferi maris.

N V M. 3. De Hernicis.

NOMEN & ORIGO. Dīti sunt à Saxis quæ incolebant; nam Marsicā & Sabinā linguā *Herna* significant *Saxa*, sic Festus & Seruius: Macrobius tamen eorum nomen ab Hernico quodam Pelasgo deduxit, quem Ætolum fuisse suspicatur, quia deinceps gens illa uno pede nudo ad bellum procedebat.

Initio Historiæ Romanæ semper distinguuntur à Latinis, & origine Sabini ex voce satis intelliguntur: tūmque apud Dionys. Halic. dicuntur gens valida, bellicosa, & fortis; sed tandem in Latij fines nomēnque transferunt.

FINES: à Septentrione Marsis, & Æquis coniunguntur, ab Oriente, Meridie, Occidente Volscis ambiuntur.

N V M. 4. De Aequis, seu Aequicolis.

NOMEN & ORIGO. Variis modis eorum effertur nomen, nam & dicuntur *Æqui*, & *Æquicoli*, & *Æquani αἰγαροί*, & *Æquiculi*, & *Equicoli*, apud Diodorum Siculum *Æcli*, & *Æcigli*. Vox autem illa *Cole*, & *Coli* innuit eos agris colendis vacasse; vnde Virgilius ad eorum nomen videtur allusisse dum cecinit 7. Aeneidos,
— *duris Aequicula glebis*.

Sub initium Historiæ Romanæ à Latinis distinguuntur, vt apud Liuium lib. 3 dicuntur *agrum Latinum innasisse*, & paulò pōst in *Latino castra posuisse*: item *vexatos excursionibus Aequorum Latinos*; igitur Latini non erant, sed vieti, subiugati, attriti Latio accensū sunt, vt testatur Strabo lib. 5. & apud Florum lib. 1. cap. 11. *Pertinacissimi Latinorum dicuntur fuisse Aequi, & Volsci.*